

KERATAN AKHBAR

TARIKH : 30 MEI 2025

AKHBAR : SINAR HARIAN

MUKA : 26
SURAT

JCorp takrif semula ekonomi Johor

SINAR HARIAN • JUMAAT 30 MEI 2025

Sinar
Harian

SINAR @ BISNES

EKONOMI

Johor sedang memecut ke dalam bab ekonomi baharu yang dibentuk oleh aliran mega dan dipacu oleh JS-SEZ.

JCorp takrif semula ekonomi Johor

Membentuk gelombang platform industri yang akan datang

JOHOR BAHRU

Johor Corporation (JCorp) secara aktif sedang mentakrifkan semula seni bina ekonomi Johor di luar sektor tradisional dengan membentuk gelombang platform industri yang akan datang.

Ia bermula daripada pembuatan ternaju sehingga kepada teknologi makanan, infrastruktur digital, sistem ekonomi kitaran dan pertanian berasaskan kecerdasan buatan (AI).

Presiden dan Ketua Eksekutif JCorp, Datuk Syed Mohamed Syed Ibrahim berkata, syarikat milik kerajaan negeri itu sedang membangunkan industri dan membentuk ekonomi yang bertanggungjawab serta siap sedia masa depan.

Menurutnya, JCorp memberi tumpuan ke arah ekosistem pembangunan pelaksanaan, membolehkan aliran modal dan memacu pertumbuhan jangka panjang sejajar matlamat Maju Johor 2030.

"Kami tidak menunggu pertumbuhan untuk berlaku, kami membentuk haluan-nya melalui pelaburan yang berani, reka bentuk, peningkatan sistem dan pelaksanaan jangka panjang," katanya bernilai tinggi.

Menurutnya, memandangkan Johor sedang memecut ke dalam bab ekonomi baharu yang dibentuk oleh aliran mega dan dipacu oleh JS-SEZ, JCorp berada dalam kedudukan strategik untuk berfungsi sebagai pembolehubah pertumbuhan dan kerjasama.

Jelas beliau, JCorp sedang memanfaatkan JS-SEZ untuk meletakkan Johor sebagai koridor inovasi bernilai tinggi.

"Dengan Singapura di depan pintu kami, Johor mempunyai kelebihan kedekatan dan potensi, menjadikannya ideal bagi industri generasi akan datang seperti elektrik dan elektronik, ekonomi digital, ekonomi hijau, industri makanan, halal, teknologi pertanian serta tenaga boleh baharu.

"Inisiatif paling strategik kami dalam JS-SEZ, Ibrahim Technopolis (IBTEC) bersedia untuk menghasilkan kesan beranda yang mantap terutama dalam penciptaan peluang pekerjaan dan perniagaan," katanya.

Syed Mohamed berkata, IBTEC direka untuk menyokong pembangunan infrastruktur, kluster inovasi dan platform yang selaras dengan prinsip-prinsip kelestarian serta Pelan Induk Perindustrian Baharu (NIMP) 2030.

Menurutnya, JCorp juga bekerjasama rapat dengan agensi seperti Lembaga Pembangunan Pelaburan Malaysia (MIDA) dan Invest Johor bagi menyelaraskan fasilitasi pelabur, selain membolehkan penajajaran pengawalselaian.

Tambah beliau, JS-SEZ menyediakan asas ke arah perindustrian inklusif dan JCorp mengutamakan inisiatif yang mewujudkan titik masuk untuk bakat serta perniagaan tempatan dalam rangka kerja tersebut.

Katanya, pada masa sama ia turut menarik pemain dalam industri ternaju.

SYED MOHAMED